



**RELATÓRIU TRIMESTRÁL FUNDU MINA-RAI NIA**  
**Trimestre ne'ebé termina iha 31 Dezembru 2014**  
**KOMUNIKADU IMPRENSA**

Banco Central de Timor-Leste (BCTL) ohin lansa Relatóriu Trimestrál Fundu Mina-Rai Timór-Leste nian ba dala Tolu nulu resin walu ba trimestre ne'ebé termina iha lora 31 fulan Dzembru tinan 2014. Relatoriu ne'e hatudu katak kapitál Fundu nian iha trimestre ikus ne'e mak US\$16,5 billiaun.

Relatóriu ne'e mós hatudu katak totál reseitas mak simu iha trimester ne'e hamutuk miliaun US\$209,67 ne'ebé kompostu housi kontribuisaun kontribuente sira ba Fundu hamutuk miliaun US\$142,69 no pagamentu *royalty* simu housi Autoridade Nasionál Petróleu (ANP) miliaun US\$66,97.

Rendimentu housi investimentu Fundu nian ne'e hamutuk miliaun US\$141,88 kompostu housi kupaun no jurus ne'ebé simu mak miliaun US\$74,14, mudansa iha valór merkadu nian miliaun US\$267,32 no movimentu cambiais mak millaun -\$199,58 iha trimestre ne'e. Ne'e resulta rendimentu ba karteira Fundu nian durante trimestre ne'e 0,83% enkuantu rendimentu sasukat (*benchmark*) nian ba periodu ne'e mak 0,87%.

Lei Fundu Mina-Rai nian espesifika katak Jestor Operasional (Banco Central de Timor-Leste), mak hanesan ajente responsavel ba jestaun operasionál Fundu Mina-Rai nian. Ministériu Finansas mak responsabliza atu estabelese estratéjia investimentu tomak kona-ba Fundu ne'e nian.

Banco Central de Timor-Leste jere ona portofoliu besik liu ho pontu referensia iha trimestre dala Tolu Nulu resin walu dahuluk. Diferensia entre portofoliu no pontu referensia hahú housi inísiu fundus nian mak pontu baze 2 (0,02%).

Pontu importante housi Relatóriu Trimestre ba dala XXXVIII, ne'ebé kobre período 01 Outubru to'o lora 31 fulan Dezembru tinan 2014, inklui:

- Kapitál Fundus nian mak billiaun US\$16,5.
- Osan kontadu brutu fundus nian tama housi kontribuisaun kontribuente, realeza (*royalties*) hamutuk millaun US\$209.67
- Osan kontadu liquidu ne'ebé sai housi Fundu durante trimestre hamutuk miliaun US\$396,22 kompostu housi miliaun US\$392 transfere ba Orsamentu Estadu no miliaun US\$4,22 kobre kustus jestaun nian.
- Reseitas likidus durante trimester ne'e hamutuk miliaun -\$186.56
- Rendimentu portofoliu iha periodu ne'e mak 0,83 % kompara ho rendimentu referensia mak 0,87 %.

Relatóriu trimestrál, lei Fundu Mina-Rai nian no mós Akordu Jestaun Operasionál, disponivel iha portal Banku Central de Timor- Leste nian [www.bancocentral.tl](http://www.bancocentral.tl)

Dili, 6 Feveiru 2015

**Venancio Alves Maria**  
Diretór Ezekutivu  
Jestaun Fundus Petróleu  
Banco Central de Timor-Leste

---

**BANCO CENTRAL DE TIMOR-LESTE**

Avenida Bispo Medeiros  
P.O.BOX 59 - DILI  
TIMOR-LESTE

T: +670 331 371 2 / 4 / 5 / 8  
F: +670 331 371 3 / 6 / 7  
E: [info\(at\)bancocentral.tl](mailto:info(at)bancocentral.tl)